



CorseCurte24: Il regolamento in struc

I TIMPS

Ogni prin dal mês l'Ostîr al mande vie mail il teme, che al tache cun "Tu scriverâs une conte...", e si à timp dut il mês par mandâle. Dentri dal 15 dal mês dopo, zurie tecniche e public esprimaran lis lôr preferencis. Ai 16 a vignaran publicadis lis classifichis.

LIS CONTIS

Lis contis a àn di jessi "lungjis" al plui 2000 caratars, spazis comprendûts, ma si pues scriverli plui lungjis cjapant cualch penalitât. Lis contis a son anonimis, si scuvierzarà il non di gare dopo la publicazion de classifiche e la identitât dai scritôrs ae fin de Corse. A vignaràn publicadis sul sît a man a man che a rivin.

PAR PARTECIPÂ

Mandâ une mail a contecurte@gmail.com e sielzi un non di gare. Dome l'Ostîr al savarà cui che o sês. No covente jessi scritôrs o savê scrivi ben par furlan.

IL NON DI GARE

Si à di sielzi un non di gare, in stîl corse di cjavâi, o in mò miôr, di mus.

LIS ZURIS

La zurie tecniche e je componude di Rafaël Serafin (l'Ostîr), Carli Pup, Donato Toffoli e... (si viodarà). La zurie popolâr a son duçj chei che a zuin al FantaCorseCurte24, scometint su la conte che ur plâs di plui cuntun coment sul sît.

PUNTEÇS, BONUS, PENALITÂTS

La conte che e rive prime pe jurie tecniche e cjape i ponts dal numar di contis in gare ta chel mês. La ultime e cjape 1 pont. Cui che nol mande, 0 ponts. La conte che e je stade metude par prime di un zurât e à un bonus di 1 pont. La conte che e à vût plui gradiment dal public e cjape 5 ponts. La seconde 3. Se van a pari, 4 par om. Se a rivin in trê, 3 ponts par om. Se la conte e passe e passe i 2000 caratars, si cjape 1 pont di penalizazion ogni 100k in plui. Se però e je plui curt di 1500, si cjape il bonus "CURTISSIME!" di 3 ponts. Se un mês no si cumbine di scrivi, si pues doprâ (une volte sole) il bonus "NO CUMBINI!". Si cjaparà come ponts la metât di cui che al vinç.

IL TEME

Il teme lu sielç l'Ostîr, che al à za pensât i temis di dut l'an, che a si fondin su la ambientazion, o su cualchi element di introduzi te storie o su la forme stesse de conte... Il teme al sarà gjenerâl, ma declinât par ogni concorint in maniere casuâl. Se propi la declinazion no plâs, si pues spindi (dome trê voltis) il bonus "CAMBIE!" e domandâ di cambiâ la declinazion, simpri in maniere casuâl.

FANTACORSECURTE

Si partecipe cuntun coment firmât sielzint ogni mês il mus su cui scometi (ancje a câs!)

VINCIDÔRS E PREMIS

Si pues vinci ogni mês, stagjon, ae fin dal an e al Fantacorsecurte. Al è dut sul sît.

PAR CUI CHE AL RIVE DOPO

Si jentre in gare **cui ponts dal ultin in classifiche** (che al à scrit ogni mês).

Par informazions plui a fonts, vait su www.contecurte.eu

Par restâ simpri inzornâts cu lis iniziativa di Contecurte, iscriveisi te Liste o su Instagram.